

Medicina domestica

kal komp.

Inkubiert

398

sehr nützlich bei allen von ultra  
pyknoetischen Ursachen

1 Erfurt, W. Schenck 1500, 40

Piano 5, 6, 7, VGT 2

Klebs 895, 21

Nie jett to druck lipshé Thannera

Inc. Gu. 398.

Bibl. Jag.



Inc. 398

30. IV. 90.

# Eyn nutzlich buch

lein von allen gebranten wassern  
Berichtfertiger auß dem newen  
distillier buch.



**3** Je nach steend verzeychnet die außgebrant  
 wasser. in welcher maß man die zu den gelys  
 dern nützen vnd brauchē soll. als dan Mey  
 ster Michel Schrick Doctor der erzney die  
 beschriben hat. vnd ist gar gut vnd nützlich zu wissen.  
 Item so eynem menschen die red geligt dem  
 geb man Salua vnd auffenblat wasser.

Zu dem  
 haubt

Salua  
 Berthorien  
 Maioran  
 Lanandel  
 Fenchel  
 Hollerblie

wasser

Zu den  
 augen

Eisenkraut  
 Rittersporn  
 Rosen wasser  
 Aiberfenchel  
 Rautten  
 Augentrost  
 Schelkraut

wasser

Zu dem an  
 gesicht.

Liliū conuallium  
 Bonblie  
 Rükott  
 Rosen wasser  
 mit kampffer  
 ab gemacht

wasser

Zu dem  
 hertzen

porrago  
 Mellissa  
 Ochffenzungen

wasser

Zu dem  
 magen

Wermut  
 Ningen  
 Rauten  
 Wolgemut

wasser



Zu der  
 lebern

Sur das  
 reissen od  
 grimmen

Sur die  
 rhe

Pessilentz

Sur die be  
 muter

Sur die ge  
 schwulst

Zu dem m

gebrant  
den gely  
an Mey  
rney die  
u wissen  
em

Zu der  
lebern

Ampffer  
Wegwart  
Meydistel  
Erdberr

wasser

Fur das  
reissen od  
grimmen

Papeln  
Rauten  
Matran  
Pfliffeling  
Zschlach

wasser

Fur die  
rhr

Wegrach  
Eychenlaub  
Hymelbiant  
Ampffer

wasser

P-silents

Buchampffer  
Diptam  
Walduan  
Brawnellen  
Weiswurz

wasser

Fur die ber  
mutter

Poley  
Weyßlilien  
Subengürtel  
Gamillen  
Segenbaum

wasser

Fur die ge  
schwulst

Lubstock  
Nachtschat  
Pilsen  
Hauswurz

wasser

Zu dem milz

Hymelschluffel  
Hyrsehzungen

wasser

2 ij

wasser

wasser

wasser

wasser

wasser

## Zamarifus

**Für die wasser sucht**

Rünlkraut  
Niesch  
Wildenoblach  
Merretich  
Tillen

wasser

**Für den sandt in der  
lende.**

Spizigwegrach  
Petersil  
Steynbrech  
Spindelbaum  
Valdian  
Spargen

wasser

¶ Hienach volget eyn nützlich matery von mancherley außgebranten wassern. wie man die nutzen vnnnd brau-  
chen soll zu gesuntheit der menschen. Vnd das buchlein  
hat Meyster Michel Schrieff doctor der erzney durch  
lieb vnd gebett willen erbern personen auß den buchern  
zu samen collegiert vnd beschriben.

## Esu de erste von de rosen wasser

¶ Osen wasser ist eynn wenig kalt vnnnd vast  
truckenn. Das selbig wasser ist gebrant gut  
den krancken leuten die onmachtig sein von  
vnnatürlicher hitze den soll man es an strei-  
chen vnd stercket das hertz vnd ist gut für die pestilents.  
vnd wenn das hanbt heysß ist. vñ sunderlich zu der rote  
geschwern vnd kranckheyt der augen. Es ist auch gut  
zu der heysßen lebern. vnd an den schlaff vñ pulß gestri-  
chen legt es die schüsse vñ macht gut ruxde zu schlaffen  
Vnd sunderlichen so man manus christi do mit tempe-  
rieret. das ist gut für onmacht. vnnnd verstellert auch den  
fluß der rür inn dem bauch vnnnd erkület die lebern vnnnd  
den magen. vnd ist gut wenn man blut außsprüget.

Von rosen die auff den hagedorn stend.

Rosenn die auff den hagedorn stend. Das wasser gebrant ist warmer natur. vnnnd ist gut dem der kalter natur ist. vnnnd wem der magen erkaltet ist dem sol man es geben zu niessen. vnnnd was siechtumbs dan der mensch von kelte wegen hat. dar fur ist es gut.

Von Schnellblumen wasser.

Clapper rot rosenn oder schnellblumen die in dem korn wachssen. Das wasser ist gut genutzet fur alle inwendig siechtagen die vom wasser hitz seind besunder zu der lebern wann sie voll vnnaturlicher hitz ist vnd getrunckē so hilfft es fur das wild freysam an iunge oder alten leuten. Vnd sunderlichen ist es gut fur sant Anthonis plag darauff gelegt vnnnd getruncken. Auch die frawen die yr krankheyt zu vil haben die trincken es. Auch eyne tüchlein darin genetzt vnd zwischen die brust gelegt das verstellēt yn die krankheyt. Auch eyne tüchlein genetzt vnnnd auff die lebern gelegt verstellēt das blüte der nasen. vnnnd ist gut fur alle feuchten vnnnd frotten yn dem mund vnd der lefftzenn.

Von weyß Lilien wasser.

Der weissen Lilien wasser ist gut zu den augē darein vñ darumb gestrichenn nach dem bade. das zeucht die hitz vnd die röte hynauß das sie lawter werden vnnnd nicht schweren. vnnnd sunderlichen das antlitz darmit gewaschen macht es lauter schön vnnnd klar. Es ist auch gut wenn eyne mensch onnechtig vnnnd hitzig ist vmb das hertz vnd vmb die lebern. vnd ist gut den die böß feuchtigheyt haben vnd die eng seind vmb das herze von bößer hize wegen.

Von blaw Lilien wasser.

Blaw Lilienn wasser ist gut fur alle fieber welcherley sie seind. Es ist auch gut getruncken fur die roten wassersucht vnd lebersucht vnd geelsucht vnd fur die darmgicht vnd gryffen in dem leyb vnd alt wunden vnnnd den treys vnd fur Toli me tangere das heylet es gar schon

### Von SpecLilien oder selbt Lilien.

SpecLilien die inn den dorn wachsend. Das wasser ist gut fur das hertz gesperr vnnnd bezwang vmb die brust vnd ist gut den wassersuchtigen vnd den die lungen faul et oder geschwer dar ann haben. vnnnd die seer keychenn vnd machen langen atem vnd rawmet die brust vnd ist gut den die den steyn in den lenden haben vnnnd reyniget die nieren vnd ist wider die vnkeuscheyt gut. Auch ist es dem gut der sich besorget sunder siech zu werden vñ wer rot vnd blattert ist vnder den augenn. Es macht schon vnd glate anlig vnd ist gut wen der tropff oder schlag getroffen hat. vñ wem die glyder erlamet oder gedouret sein der soll sich da mit schmieren so hilfft es yn.

### Von Meyenblumen wasser.

Lilium conuallium. Das ist Meyenblumen wasser. Das ist gut wer gift genossen hat. Das soll man ym zu stund zu niessen geben vnnnd wann eyn spinn oder eyn gieffrigt thier oder wurm verunreyniget het oder eyn wuetender hündt gebissenn hette. wenn sie das wasser trinckenn so hilfft es sie. Es ist den frawen gut so sie zu den kindenn arbeytten. vnd ist gut fur allen vnreynē siechtagen vnnnd sunderlichen zu den augē die kleret es. vnd kreffiget das hirn vnd das hertz vnd stercket die synn. vnd ist gut den die den fallenden siechtagen haben. vñ die sich söchten vor der auffezigkeyt vnd frawen kranckheyt vnd wem die sprach gelegen ist dez streicht man es auff die zungen.

### Von viel wasser.

Veil wasser ist gut zu den vnsynnigen vnd die yr synne verloren haben von vbeln vnnnd bösem geschmack oder rauch. Auch das wasser inn eynem leinen tüchleyn gesezt vnnnd auff die feywarzenn gelegt die vertreibet sie. Auch kület es das hertz natürlich vnd leschet den durst vnd ist auch gut den menschen den die augē schweren wollen. vnd ist nüzlich vñ gut den die den hertz stechen haben. wann es kület vnd kreffiget den ganzen leyb.

Gelben viel  
die sterck es  
vnd machet  
da gebau  
von Ecken  
Auch kreff  
vnnnd erfr  
tert vnd ste  
marck in d  
ist auch gu  
trossen hat  
tan wenn  
schmieret.  
dar mit se

ym das zyt  
erfrachtet d  
die vnder  
vnd mach  
darinn ge  
gut vnd le  
macht wo

Seebum  
auff den se  
lich vnd g  
von hiez  
chet auch  
ber kreffig  
schen leib

Bitter spo  
gut fur alle  
eyn tüchle  
geet alle ro  
rauch d  
inn dem leib

### Von Gelb viel wasser.

Gelb viel wasser ist gut den die zu seer gehelsset haben die sterck es. vnnnd krefftiget die lebern vnnnd die nyeren vnnnd macht die frawen fruchtbar. vnnnd reyniget sie nach der gebürt. Es ist auch gut wem das hirn frantz ist von keltzen wegen das wermet es vnnnd stercket die synn. Auch krefftiget es die gedechtnuß vnnnd machet gut synn vnnnd erfrewet die sele vnnnd auch das gemüet. Auch lewtert vnnnd stercket es das verdorben blut vnnnd wermet das marck in den knyen vnnnd treibet alle kalte suchte auß. Es ist auch gut den die das paralis oder aber der schlag getroffen hat das ym die zungen lam ist vnnnd nit gereden kan wenn man das trincket vnnnd die seyten da mit wol schmieret. Auch wem die hende zyttern der sol die hende dar mit schmieren vnnnd nicht trinckenn so benymbt es ym das zyttern. Auch kület es innwendig das hertz vnnnd erfrawet das geblüt. Auch ist es gut für allen fleckenn die vnder dem antlitz sein. sie seyen von hitz oder von kelte vnnnd macht das antlitz weyß liecht vnnnd klar. Eyn tüch darinn genetzt vnnnd vmb das haubt gebunden das ist gut vnnnd legt allen wetagen vnnnd schüsse des haubts vff macht wol schlaffen.

### Von Seebumen wasser.

Seebumen die weiffenn mit den breyten blettern die do auff den seen schwebē. Das wasser gebrant ist vast nutz lich vnnnd gut für die roten flecken vnder den augē die do von hitz seind. wann es nymbt alle hitz an sich. Es machet auch weisse haut vnnnd keltet das herze vnnnd die leber krefftiglichenn. Auch lescht es alle fieber an des menschen laib sicherlich.

### Von ritter sporn wasser.

Ritter sporn wasser gebrant das ist gar nutzlichen vnnnd gut für alle rōte vnnnd geschwore der augen. wan so man eyn tüchlein darinn netzet vnnnd vber die augen legt. so geet alle rōte auß den augen vnnnd macht sie klar vnnnd we ret auch den geschwern vnnnd ist gut für allen getranck inn dem laibe vnnnd für das darmgicht. vnnnd wer die speiß

mit behalten kan. Auch treybt es den harm steyn.

Von Ochffenzungen wasser.

Ochffenzunge wasser ist gut als das Rosen marin wasser. Es ist auch gar gut für die schuppen des haubtes. vñ sunderlichen so ist es gar gut den frawē für yr kräch heyt vñ siechtumb.

Von Pouragen wasser.

Pouragen wasser ist gut in aller maß als von den rosen maryn blumen. Auch ist es sunderlichen gut für das paralis vñ für alle fluß die von dem haubt kumen.

Von Lindenblüe wasser.

Lindenblüe wasser ist gut den kynden die den fallenbenn sucht haben. den geb mann es zutrinken so genesen sie. Es ist auch gut für die bermuter vñ zitterung des hertzen vñ für den steyn. Auch ist es gut den die hend oder fuß erfroren sein vñ zeucht die kelt yn herauß. Auch ist es gut für alle siechtagen die vñ kelt in kōment. vñ sunderlichen den frawen wenn yn die mutter erkalt ist.

Von Wegrich wasser.

Wegrich des breyten wasser ist gut für die rür. so mann es gibt mit bolo armeneo oder mit dem steyn amantistē zu trincken. dann bestellet es den selbigen fluß vñ stillet auch den frawen yren siechtagen. Der spizig weg rich ist gut zu den wunden wen man sich do mit waschet so reyniget er die vñ heylet sie.

Von Saurampffer wasser.

Saurampffer wasser ist gut zu allen hizigen dingenn. wann es kület vñnd leschet alle hizige suchte. sie sein inwendig oder außwēdig. Es kület seer die hize des haubtes vñnd auch die lebern. vñ alle gelyder des leybes. vñ sunderlich sant Antonis plag. vñ für die pestilenz.

Von Nachtschatten wasser.

Nachtschatten wasser kület vñ vertreibet alle hize außwendig oder inwendig des leibes. vñ sunderlichen was heylß apostetenn oder geschwar sein. oder was heylßer.

geschwulst ist. das getruncken vnd mit eynem tuch dar  
auff gelegt auff das haubt. wann es kelt stercklich alle  
ding.

#### Von Zirschungen wasser.

*Bibl. Lat.*  
Zirschungen wasser ist heysß vnd trucken. vnnnd ist  
aufferwelt gut zu dem miltz. Itē es wirt des milzges ye  
zu zeyten so hart in dem menschen als ein steyn vnd kras  
chet laut das man es scheynbarlichen höret als der spen  
ab brech. dar fur so soll man das wasser trincken viertz  
ig tag so hilfft es gewislichenn. Es ist auch gut fur den  
heschen vnd zerbruche den steyn in den lenden vnd auch  
in d plater. das ich Michel schuel offte bewert hab das  
es gar gut ist fur schwer graussen vñ forchtsam traum  
die offte von bößheyt des milz kummen. Des gleychenn  
fur schwermutickeyt vnd traurickeyt die auch von dem  
miltz vnd Melancolici kummen. Item man mag es  
wol mischen mit wild Seuenbaum wasser auff das  
halbeyl. wan sie sein beyde gar gut fur all brechen vnd  
bößheyt des milz.

#### Von Hauswurtz wasser.

Hauswurtz wasser das kület seer. vnnnd ist gleich dem  
Maurpfeffer. doch ist es vil kelter an ym selber vnnnd ye  
keyns ist dem menschen gut hynen getruncken.

#### Von Wegraß wasser.

Wegraß wasser ist gut fur den roten durchgang. auch  
leschet es das wild fener. vnnnd wenn eyn mensch böß  
blattern hat. So man es dann daruber bindet so hilfft  
es gar wol.

#### Von Braunnellen wasser.

Braunnellen wasser ist gut fur das gesegnet vñ das frey  
sam iungen vnd alten leuten. Auch ist es fur die pestilētz  
gut vnd sunderlich fur krumme vnd feule inn dem mund  
vñ was vñ böser vnnaturlicher hitz kombt das kület es.

#### Von erdrauch oder Centaer wasser

Erdrauch wasser oder Kongentrebels wasser ist gut den  
menschen die sich forchten vor der auffezigkeyt vnd ist  
gut getruncken fur alle kretz vnnnd reudigkeyt auß dē leib

borret es. vnd heylet dar nach vñ sunder so man nymbt  
eyn wenig triackes. vnd eyn gutē trunck darauff wen  
man inn das bad wil geen. so schwigt man alle suchte  
vnd giffte auß ym. vnd er sol sich nit begiessen er sey dan  
wol erschwiget. wan das vertreibt all raude oder grind  
inwendig vnd außwendig. Es reyniget auch den siech-  
tagen der frawen. wan sie es nutzen so sie sein notturtff-  
tig sein das hilfft so wol.

#### Von Steynbrech wasser.

Das kraut soll gar wol gut sein vor das greiß od sande  
Das kraut ist vnden geschickt an den plantlein als eyn  
rosen vnd hat auß dem plantlein lang rot stengel vñnd  
zu oberst an den spizē auch wenig plälein. Es ist auch  
gut für den harmsteyn den bricht es.

#### Von abschlag wasser.

Abschlag wasser ist gar heys als zwyfall. vñnd hat eyn  
böse feuchtigkeyt vnd ist böß zu den augen. wan man  
sein zu vil nütze. Es mache schlaffen vnd verzert vil fe-  
chtigkeyt in dem magen. darumb trincket man es für die  
würm vnd für das grynnen.

#### Von papel wasser.

Papel wasser ist kalt vnd feucht. vñnd meer feucht dan  
kalt vnd ist gut zuerweyche alie herte ding die hitzig sein  
wann es feucht gar wol inwendig vñ außwendig. Es  
ist gut zu dem schlaff vnd zu dem heysen fieber. vnd zu  
der dörung wen man do mit waschet die bryn. vnd ist  
auch gut das man die kregung da mit waschet. des gley-  
chen groß hüffelen wasser haben die krafft.

#### Von Baifus. südent gurtel oder rotbücken wasser.

Baifus oder südent gurtel wasser ist heys vñnd trucken  
inn dem andern grad. vnd ist gut zu den schaben an des  
har. vnd last bey selten bart wachsen. vñnd stercket die  
bunst vnd den kalten magen. vñnd ist gut für die würm  
vñnd bringet die frawen krankheyt vñnd den brunnen  
vñnd vertreibt den sandt. vnd bricht den steyn. vñnd ist  
gut für das gicht. vñnd das kraut vertreibt alle giftig  
würm so man es sendet vñnd besprenget die gemach der

Heuser da mit. vnd law getruncken vertribet die bermutter. vnd ist gut fur die geelsucht vnnnd fur die plaung der lebern vnd des miltz.

#### Von Sparich wasser.

Sparich wasser ist gleich heysß vnnnd trucken. vnnnd das wasser bringet den brunnen als vast der brunnen dar nach schmeckt. vnd darumb ist es gut zu dem sandt. vnd vertribet die materi do sande auß wirt. vnnnd ist gut zu dem darmgicht. Es vertribet auch die stopffen der leber vñ des miltz auß den lenden. vnnnd wenn man will vertriben den gemeynen steyn vnd den sandt. so soll man das wasser nit muschen.

Item fur die bermutter mach eynen rauch von weyrach vnd leg yn auff eyn glut. vnnnd halt den mund daruber vnd laß yn wol in dich geen.

#### Von Tillen wasser.

Tillen wasser ist heysß vnd trucken gleich. vnd ist gut zu der feuchtheit der zeen vnd der brust wann es macht vil milch der ammen. vnd ist gut zu dem mage. vnd bringet den brunnen vnd verderbt den sandt.

#### Von Eufrazia wasser das ist augen trost.

Eufrazia wasser ist gut winterzeiten zu allerley gebrechen der in den augen ist vnd wendet den.

#### Von Valdrian wasser.

Valdrian wasser das man auß brennt mit den wurtzen Das wasser soll man trincken fur das vergicht vnd fur die biße der bößen würr so man es dem streicht fur das hertz vnd ist gut fur das vierteglichieber. fur den wetargen in der seyten ob man sich da mit salbe

#### Von selberblue wasser.

Selberblue wasser ist gut zu dem gesicht. Es wirt auch das har schön dar von. vnd der vnflat auß dem haube wirt dauon vertriben.

#### Von hymelbrant blumen wasser.

Hymelbrant blumenn wasser ist gar gut fur alle geschwulst inwendig vnnnd außwendig so mann es trincket. oder eyn tüchlein darinnē genetzt vñ zwysfach vber den schaden gelegt so die geschwulst außwendig ist. vñ fur

das vergicht ist nichts bessers dan das wasser zu trincken. Auch wer rinnende augen hab von langer zeyt der thu eynen tropffen oder zwen in die augen. etliche tag es wirt gewislich besser. Es ist auch gut für all gebrechen die von flüssen kommen welcherley die seind.

Item innwendig soll man es trinckenn. Außwendig an salben. Das wasser ist kalt vñ truckner natur. Ich Muschel schuck hab es offte bewert.

#### Von Freysam wasser.

Freysam wasser ist gut den iungen kindē so sie die vnnaturalich hitz vber laufft vnd sie bekrencket. den geb man es zu trincken so vergeet es yn. Auch ist es gut den die dotompffig seind vmb das hertz vñ vmb die bruist dz lasset vnd hilfft gar wol. Auch ist es gut altē oder iungen leuten die do geschwulst vmb das hertz oder vmb die bruist haben oder an der lungen das vertribt es vnd ist gut für alle böse hitz.

#### Von erdber wasser.

Erdbber wasser ist gut wer vnreynen bösen schweyß hat in ym vnd inwendig böse hitz vnd lescht den durst vnd treibt den steyn. vñnd macht gut blüt mit wein getruncken oder sunst geffen. Es ist auch gut den die faulung inn dem mund haben. Auch die eyn geschwer haben inn der kelen. denn soll man es geben zu gurgeln inn den halß das hilfft sie seer. Auch ist es gut getruncken für den stinckende mund. Es ist auch dem mensche gut die vngeredt ligend so mann yn das zu niessen gibt das hilfft gar wol. Auch so ist es gut zu dem haubt vñnd zu dem hertzen wann es krefftiget sie wol. auch so ist es vast gut den frauen zu yrer krächtheyt. auch ist es gut wyder das abnemē. Es ist auch gut den mensche den eyn beyn zubrochen ist so heylet er das vñ wechset wider vmb zusamē alle beyn vnd auch alle wunden da mit gewaschē die heylet es. vnd wer etwan in dem leybe wundt were. dem selbigen soll man es zu trincken geben.

#### Von Meusor wasser.

Meusor wasser ist gut für das abnemen getruncken.

Es weret auch der bermutter. Es ist auch gut für das  
darmgicht. vnd für den schwindeln in dem haupt. vnd  
für das blut speyen. Auch ist es gut für all flecken vnder  
den augen wann man sich damit waschet vnd mit trin-  
cket so vertreybt es die flecken. vnnnd ist gut den frauen  
den die mutter vbersich steigt vnd sich krencken vñ den  
grynnen vmb den nabel haben. vnd tödtet den wurm  
inn dem bauch zu stunden.

#### Von stabwurz wasser.

Stabwurz wasser ist gut den iunge kinde für das hertz  
gespan vñ für das grynnen in de bauch. Es ist auch  
gut den kynden die die bermutter haben vnnnd auch ist es  
gut für die haupt sucht.

#### Von Taschen kraut wasser.

Taschen kraut wasser ist gut getruncken dem der zu der  
nasen blutet. vnnnd ist gut für die roten vnd weissen rü-  
re vnd sunderlichen die frauen die yr sucht zu vil haben  
oder auch sunst den bauch fluß. vnnnd ist gut zu de stein  
den vertreybt es.

#### Von Spindelbaum oder pfaffen hödel wasser.

Spindelbaum ist heysß vnd trucken vnnnd ist gut zu den  
eyssen in den blattern vnd in den nieren vnd zu den heys-  
sen geschweren. vnd vertreibet alle hitz. vnd ist gar gut  
für die geelsucht wann es treibt die geschwulst durch den  
brunnen auß inn eynem volbad.

Mag man aber  
das wasser nit gehalten so seud L. wurz in eynem wein  
vnd trinck das inn eynem volbad.

#### Von walwurz wasser.

Walwurz wasser ist keynem menschen gut zu trincken  
wann es ist giftig. aber sunst wol do mit geschmieret so  
vertreibt es das gegicht. vñ lecht das hellisch feur vñ  
legt alle geschwulst wo sie der mensch hat.

#### Von Kettich wasser.

Kettich wasser ist gut für den reysende steyn. Auch tödt-  
et es die wärm in dem magen vnd bringet die vndeung  
vnd macht harm. vnnnd treybet den sandt. Des gleichen  
thut der Kreen.

Bij

### Von Merettich wasser.

**13.** Merettich wasser ist gut zu dem reissenden steyn. vnnnd zu dem blasen steyn. Auch das wasser gesalzen vnd eyn wenig gewermet vnd nuchter getruncken vnd ein kleyn zeit halten. vnd dan eyn feder in öl getunct vnd in den hals gestossen vnd gewurcz das furt die kalten verlegen feuchtigkeyt auß vnnnd die wesserigenn gallen dauon die terciana vnd quartana kumen das vertreibt es.

### Von dem wilden Salua wasser.

Item wild Salua wasser ist gut vnnnd nuzlich fur den rechen zu dem hertzen von dem bösen gebluet. auch so ist es gut vnnnd nuzlich den menschen der gewallen oder schlagen oder gewundet ist das er sich bluet. vnnnd das blut das in ym geronnen ist das treybt es von eyinander vnd treybt es von dem menschen auß dem leyb.

### Von Gamillen wasser.

Gamillen wasser ist heys vnd trucken. vnnnd ist gar natsürlich menschlicher complexion. vñ ist gut zu aller müdin aller glyder. vnd sterckt die glyder fier. vñ treybt den bunnen. vnnnd reyniget das sieber wenn man den rucken da mit salbet. vnd ist gut fur der frawen trachtheyt wann es bringe sie

### Von Petersilien wasser.

Petersilien wasser ist gut fur den nieren stein. den bricht es vnd treybt yn auß. Es reyniget auch die lebern vnnnd hilfft zu mal wol wer nicht harmmen oder geburgen mag.

### Von Balbian wasser.

Balbuan wasser ist gut wenn eyn mensch darinn nach dem bad eyn tüchlein netzet vnd ober die augen legt das macht die augen liecht vnd klar von der hitze vñ rauch des bades. Auch das wasser getruncken vnd auff feigwarzen gelegt vertreybt sie mannen vnd frawen vnnnd getruncken hilfft es wenn etwas ergney oder wer sunst zerbrochen ist das heylt es fier. Auch getruncke des morgens nuchter ee das mann auß dem hauss geet ist es gut fur den rauch vnd schmack der pestilenz.

### Von Bethonien wasser.

### Von manchen wasser.

Manchen wasser ist güt für die roten flecken vnder den augen vnnnd macht weisse haut. Auch ann dem schlaff vnd pulß gestrichen oder getruncken macht gar gutten schlaff vnd güte rue vnd senffüget das haubt.

### Von nessen wasser.

Nessen wasser ist güt getränkē für das darmgicht vñ für den grymmen in dem bauch. Auch für die bermuter vnd für die auffsteigenden muter. Auch so treibt es den steyn seer vnd was sucht von kelen seind.

### Von leubstickel wasser.

Leubstickel wasser ist gut wenn das haubt geschwollen ist vñ wee thut so man das daruber legt mit eynē tūch. Auch wer das steche hat in der seyten vñ vmb die brust das vertribt es. vnd das antlitz da mit gewaschen mache es schön vnd lauter von aller rōte. Es ist auch dem magen güt für den steyn.

### Von Poleven wasser.

Poleven wasser ist gut den frawen den wee zu den kyndē ist das man yn das zu trinckenn gebe. Auch so ist es gut zu den augen vnd zu allen weertagen so man es daruber lege. Auch ist es gut zu den kalten suchten in dem haubt oder in den oren dar ein gethon das hilfft sie wol.

### Von ringell wasser.

Ringell wasser ist gut zu allen gebrechen der augen welscherley das sey von hiez oder von kelen wegen. so leutert vnd klart es die augen vnd macht sie schön. Auch ist es gut zu allen siechtagen des haubtes.

### Von Schelwurtz wasser.

Schelwurtz wasser ist gut den augen. was es macht sy lauter vnd benymbe yn die fell alle vñ alle rōtin der augen vnnnd auch der glyder. Es ist auch gut getruncken für die bermuter.

### Von Eysenkrant wasser.

Eysenkrant wasser ist güt für alle tunkelheyt vnnnd geschwere der augen vnd des gesichtes. das stercket es vnd bringe den schein vnd den glanz wyder vnnnd senffüget

den wetagen des haubtes vnd auch die brust vnnnd off-  
net die lungen. Auch vertreibt es alles gift von den mē-  
schen vnd tödtet die wūrm.

#### Von Salua wasser.

Salua wasser ist gut mer eyn böse lebern hat. vnd dem  
sie faulet das soll man trincken. Auch ist es gut den den  
die rede gelegen ist. vnd den des die zungen getroffen hat  
oder die gelyder erlamet oder erkrummet seind den hilfft  
es. Vnnnd ist gut für die zittern der glyder da mit wol ge-  
schmieret.

#### Von wermüt wasser.

Wermüt wasser ist heysß vñ trucken vnd ist gut den die  
eynen bösen kalten magen haben denn wermet es. vnnnd  
macht das er die speyse behele vnd verdawet. vñ macht  
guten atem. Es ist auch gut für die wūrm in dem ma-  
gen vnd in dem bauch. Auch vertreibt es die bösen feu-  
cheit vñ auß allem leib. vnd vertreibt das vergicht inn  
der hüffe. vnd ist auch gut für den heshitz vnnnd mache  
den keusch der es offte trinckt. vnd mer vertreibt es auch  
das wasser das sausen des haubts, vnnnd vertreibt die  
wūtung der zeen.

#### Von Grensig wasser.

Grensig wasser ist gut den die sich sein in dem rucken  
gerad vnd vil wetagen darin haben. vnnnd auch für alle  
wūrm in dem bauch. Auch ist es vast nuzlichenn vnnnd  
gut für das darmgicht.

#### Von Seiden wasser.

Seiden wasser das in dem flachß wechs ist gut zu aller  
sucht der leber vnd die lungen reyniget es vnd sterckt sie  
vnd treibt die bösen humores oder campff von dem leib  
vnd vertreibt auch die wasser sucht vñ die geelsucht  
vnd treyt den harm steyn krefftiglich auß. vnd ist gut  
für das grymmen in dem leybe. Auch kletet es das gefir-  
cht vnd ist gut den frawen den die muter erkaltet ist. vñ  
die yr krankheyt nit zu rechter zeyt habenn. Auch ist es  
nuzlich vnd gut den die vmb den nabel geschwolke sein  
vnd macht wol harmen. vnd ist gut für den steyn.

**Rünlinkraut** flach auff der erden vnd  
schmecket als der wolgemüt.

**Rünlinkraut** wasser ist wenig heysß vnd fester trucken  
vnd ist gut wen sich eyner klembt. oder eyn glied zerknys-  
schet daruber gelegt vnd trucken. vnd ist das best zu  
der kalten leber in d wasser sucht. Es heylet das gebärm  
innwendig nach dē eytter. Es weycht denn herten ma-  
gen vnd ist gar gut für das teglich sieber wenn man es  
müschet mit wermüth wasser. das hab ich Michael sch-  
rick offi bewert. vnd ist armer leute ertzney.

**Von dem eychenlaub wasser.**

**Eychenlaub** wasser ist gut dem der rot vnd blaternaset  
vnder den augenn ist. da mit gewaschenn macht wolße  
haut. vnd vertribet die rür in dem bauch.

**Von Ephey wasser.**

**Eppich** oder **Ephey** wasser ist gut den die dē steyn ha-  
ben. den treibt es auß vnd reyniget die derm. vnd die bla-  
sen. vnnnd es ist den frawen nit gut wan es vertribet yn  
die gebürt gern vnnnd versürt den samen vnd thut scha-  
den den frawen.

**Von dem Rudreck wasser.**

**Rudreck** wasser ist gut für die heysß geschwulst oder ge-  
schwer das kület vñ zeitiget es. Es ist auch gut für sant  
Anthonis plag das leschet es.

**Von schwammen wasser.**

**Schwammen** wasser das ist gut für die roten fleckenn  
vnder den augen.

**Von Nungen wasser.**

**Nungen** wasser ist heysß vnd truckē gleich vnd ist den  
gut die böß leber oder lungen haben vnd die vast tempf  
sig vnnnd das hertz sein. Auch ist es gut den die nicht ge-  
dewen mugend vnd die darmsüchig sein.

**Von dem Rosen öl.**

**Rosen öl** mach also. Nym zwey pfundt baum öl. vnnnd  
leg dar ein eyn halb pfundt rosenbletter. vñ thu es in ein  
glas vnnnd verstopff es wol vnnnd setz es ann die sonnen

zu dem tag vnd sehe es daß durch eyn tisch vnnnd thu es  
wider in eyn glas vnnnd thu feisch rosen daruber das öl  
soll man also behalten.

#### Von Treutzwurz wasser.

Treutzwurz wasser ist guth wein die leber entzündet ist  
von vnnatürlicher hitz dem; sol man es zu trincken ge-  
ben. Es ist auch gut für alles gesegnot in dem laib. Auch  
ist es gut das man die würm da mit vertreiet.

#### Von pfaffen kraut wasser.

Pfaffen kraut wasser ist gut den frawen vnnnd mannen  
zu trincken wein yn die muter in dem leybe unreyn ist od  
wee thut. vnnnd besunder so reyniget es die muter wein  
man eyn schweyß bad mache vnnnd das kraut dar inne  
seudet vnnnd dann mit dem leibe auff das kraut sitzet so  
heiß man es leyden mag.

#### Von Lavandel wasser.

Lavandel wasser ist gut allen den die lam seind in denn  
glydern das sie die glyder stetig da mit wasche vnnnd soll  
daß ichz die glyder wider bringem so thut es das La-  
uandel wasser.

#### Von Cykel wasser.

Cykel wasser ist gut allen denen die do geschwolle seind  
so man yn das zu trincken gibe vnnnd die geschwulst da  
mit bestreichen.

#### Von Bilsen wasser.

Bilsen kraut wasser ist allen den nutz vn gut die do vn-  
natürlich rüw habenn inwendig oder außwendig yres  
lebes. so man yn auff das haubte oder aber auff dem  
schlaß lege so gewinnen sie natürliche guthen rüw vnnnd  
mögent auch daß darnach wol schlaffen.

#### Von genßdistel wasser.

Genßdistel wasser ist den menschen gut die do inwendig  
voller hitz seind. so sie das trincken vnd sich damit sch-  
wieren das hilfft sie gar wol.

#### Von Binsaugen wasser.

Binsaugen wasser ist gut für die geelsüchte frawen vnnnd  
mannen so man es yn zu trincken gibe.

### Von Bienenblüe wasser.

Bienenblüe wasser ist gut für die narben oder schmerzen in den augen so man dass darein thut so heylet es. Es leß auch keyn fell daruber wachssenn. Es ist auch gut für die narben oder schmerzen vnder den augen so man sich damit schmieret.

### Von Kranwicber oder wechalter.

Wie ist zu mercken die tugendt der Kranwicber nach laut vnd sag meyster Albertus des heyden. die hat man bewert vnd versucht zu Florentz in der stadt.

**I**tem zu dem ersten so nym die Kranwicber zu der zeit vnser lieben frauwen verschiedung wie vil du wilt vnd send sie in eynē neuen haßen. geuß dz auff den besten wein so du yn gehabē magst. setz das zu dem ferwer vnnnd laß es wol erwallen. feym es reyn vnd sawber vñ wen das geschehen ist. so geuß den wein ab den beren in eyn reyns glas. behalt das wol bedekt. darnach so nym des selbigen weins auß dem faß so der erste wein auß gelassen worden ist. vnd geuß den selbigen wein auff die gesotten Kranwicber. thu ym rest als vor der erste wein gesotten ist. geuß yn als du den ersten gethon hast. Darnach so nymb die köner vñ leg sie auff eyn brett. truckne sie wol an dem lufft. wenn sie dan truckē werde. so thu sie in eyn faß oder in eyn krug geuß daran syben morgen oder neun also bescheydelich alle tag ye eyn wenig. Darnach so trinck des ersten gesotten weins frū. Des andern gesotten weins trinck des abents So du wilt schlaffen geen.

**I**tem das obgeschriben wasser oder tranck ist gut für all weagen des hauptes vnnnd für all krankheyt die das hertz leidet. für alle brechen des magens. vnnnd für alle gifft. Item für allen inwendigē brechen der dē menschen vnwissen ist. Item für den fallenden siechtumb. vnd das ist war. Item für den paralis. das ist der schlag. vnd für die tobsucht des leibs. vnnnd für all apostema die dem menschen schaden des tags nit leydigē mag

noch geschaden kan. Item für alle flüss des haubts wie sie sich fügen.

Item für alles wüllen von welcherley krankheyt des haubts das sey.

Item für allen brechen des rucken vnd der lenden vnd der zeen.

Item für schmecken vnnnd stincken des atems von dem mund.

Item für das stechen des leibs vnnnd denn dampff des leibs vertreibt es innwendig vnnnd macht guten ringen atem.

Item für alle inwendig krankheyt der frauwen darvon nit zu schreiben ist. vnd wenn man die kranwitber stoffet vnd des morgens in gotte weychen eyren ist oder neuisset so wirt yr brechen dauv vwendig.

Item für alle aussenzigkeyt wie die genat ist die vertreibt es gewaltiglich.

Item für alle krackheyt des geaders das widerbringt es vnd weychet das.

Item wer die kranwitber gar wol stoffet vnd drucke sy durch eyn syb vnd sendet das wol mit lein öl vnd rüree

das wol mit eyner spatula. wenn es dan wol gesotten ist

so laß es wol zu decken vnd also bedeckt erkalten vnd be

halt das dan an eyner fuchten stat das ist dan gut den

leuten die do gestoßen oder geschlagen sein oder gefallen.

die sol man do mit salben bey eynem feur an der stat do

sie yren brechen haben. Auch ist es den leuten gut die iren

schlaß nit gehalten mugend die bestreichen sich da mit

an dem schlaffer sey gesunde oder sich Man mag auch

die ber roch nüchter nyessen für den bösen vergiffte lufft

Sie sein auch zu dem gesicht gut vnnnd bringen grossen

nuz vnd gesuntheyt

## Von dem gebranten wein.

Er gebrant wein ist gut für das gicht dar mit

bestrichen. Wer heyser sey d bestreich sich

mit gebrant wein vmb den halß vnnnd trinck

yn drey morgen nüchtern.

¶ Auch wer alle morgen trincket den gebranten wein eyn halben löffel voll der wirt nimmer krank.

¶ Item want eyns sterben soll so gieß man ym eyn wenig gebrants wein in den müd es wirt redē vor seine todt

des hant  
n von w  
Item für  
da sein.

is von dem  
vnd dem  
vnd mache  
dig frucht  
vnd wenn  
is in gesott  
hen dau  
die genat ist  
r alle frucht  
eychet das.  
vnd drucke sy  
vnd rüret  
al gesotten ist  
alen vnd be  
dan gut dem  
er gefallen.  
der stat do  
gut die iren  
sich da mit  
mag auch  
ruffte lufft  
en groffen

in.

bedar mit  
streich sich  
vnd trind  
n wein ey  
n cyn we  
seine tode

stdr0006527



Biblioteka Jagiellońska

